

*Мария Петровна Мохначевская – Марта – Мария
Ыһыах*

Күүтүүлээх сайыммыт симэнэн,
Күөх ача отунан тэлгэнэн
Киистэ күөх мутукча дыргыйар,
Кыыс кэрэ хатынмыт нуоҕайар.

Эгэлгэ сибэкки дьэргэйэр,
Сардаана симэх от тэтэрэр.
Элэккэй бэйэлээх кэм кэллэ,
Сиккиэр тыал куустуһар эриллэ.

Уруйдуу көрсөбүт ыһыабы,
Улуукан өрөгөй тунабы.
Сир- халлаан биир тэнгэ кыттыһа,
Силбэхэр алыптаах алгыһа.

Аламай үөрүүлээх күнүгэр
Алгысчыт аал уоту аһатар.
Аал Луук Мас иниэттэр төрдүгэр
Айыылар ааттарын ааттаһар.

Дьон – норуот тупсубут олуһун,
Дьогдьоолоох сахалыы танастар
Дьиктилээх эгэлгэ оһуорун
Дьиибэргии сөбөллөр ыалдьыттар.

Оһуокай оройдоох оонһуута,
Эһиэкэй энээрдээх этиитэ,
Оҕо дьон хапсаҕай тустуута,
Эрбэхтэн тутуһар эргиирэ.

Кэрэ кэм эргиллэн кэлбитэ,
Күүс- уоҕу мунһунар кэрэтэ –
Тыа дьонун күргүөмнээх үлэтэ,
Туйгуннуур тутулун илдьитэ!

Ыһыах туһунан санаа

Санааларым, санааларым ,
Сааскы күннэ,
Сарсыардаҕа,
Салгын кутун
Сайа тутан,
Сайаҕастык өрө тыынан,
Сааһылана,
Саамылана
Сатаан этэр буола сатаан:
Сайын кэрэ кэм кэлиэн,
Саргы – дьаалы
Салаллыан,
Саха буолан
Салаллан,
Сарданалаах күннэрбит
Сандаарыйа тахсыыта,
Сардааналыыр сибэкки
Сарыаллартан тэйиитэ,
Самаан сайын кэһиитэ
Саамал кымыс ыһыаҕын
Саха Далбар Хотуттара
Саламанан киэргэтэн,
Сандалынан түһүлгэлээн,
Саха дьоно түмсэммит,
Саҥа дьылбыт дэһэммит,
Саныы сылдыар туһуттан
Салгыбакка ус сайын
Сата тыыннаах оһуокайы
Саас – сааһынан этэммит,
Сааһылааммыт туойаммыт
Саймаарыччы ыһыахтыах!